

*Precationes infrascriptas S. Andreas Avellinus composuit, qui earumdem recitationem commendans sic adloquebatur: > scio hominem (erat et ipse) qui, < dum eas recitaret, videbat ab Angelo singulas < salutationes Virgini Beatissimae offerri quae de < huiusmodi obsequio summopere oblectabatur. Et < adjiecebat < certus sis, frater, te per has preces < facilius gratias omnes impetraturum, et magnum < ab eadem Beatissima Vergine in hora exitus tui < auxilium promereret.*

*PIUS PAPA IX, fel. rec. per Breve diei 26 junii 1860 concessit omnibus et singulis utriusque sexus Cristifidelibus quotidie has precationes quo- cumque idiomate, corde saltem contrito, devote re- citantibus, indulgentiam trecentorum dierum, et ple- nariam, si eas quotidie integro mense devote reci- taverint, dummodo (uno dicti mensis die uniuscu- jusque Christifidelis arbitrio sibi eligendo) vere poenitentes et confessi, ac S. Comunione refecti aliquam Ecclesiam vel aliquid Oratorium visataverint, et ibi pro christianorum principum concordia, haeresum extirpatione, ac S. Matris Ecclesiae exaltatione pias ad Deum preces effuderint: quae indulgentiae ap- plicari etiam possunt animabus in purgatorio de- gentibus.*

#### PRECATIONES

IN HONOREM DUODECIM PRIVILEGIORUM BMAE V. MARIAE

A S. ANDREA AVELLINO C. R. EXARATAE

In nomine Patris et Filii et Spiritus Sancti. Amen.  
 ¶. Deus in adjutorium meum intende.  
 ¶. Domine ad adjuvandum me festina.  
 Gloria Patri. Sicut erat.  
 1. Te salutamus, purissima ac sanctissima Mater

Jesu, teque humiliter deprecamur per tuam Prae-destinationem, qua Mater Dei electa es ab aeterno; per tuam Immaculatam Conceptionem, qua maculae originalis peccati immunis fuisti; per tuam plenissi- mam animi demissionem, qua te perpetuo ad Dei vo- luntatem informasti; per tuam denique perfectissimam sanctitatem, qua toto vitae curriculo nunquam men- dam ullam admisisti, ut pro nobis apud Deum patrona fias, quo peccatorum nostrorum multitudinem deleat, quae irae divinae causa extitere. Tuque, Pater omni- potens, per istorum privilegiorum merita, dilectissimae Filiae tuae preces exaudi, nobisque clientibus ejus clementer ignosce. Parce Domine, parce populo tuo.

1 Pater, 4 Ave, 1 Gloria.

¶. Per Sanctam Immaculatam Conceptionem tuam, libera nos, Gloriosa Virgo Maria.

2. Te salutamus, purissima ac sanctissima Mater Jesu, teque humiliter deprecamur per tuam sanctissimam Annuntiationem, qua in sinu tuo Verbum Di- vinum concepisti; per tuum felicissimum Partum, in quo nullum dolorem passa es. per tuam perpetuam Virginitatem, quam Matris foecunditati junxisti; per acerbum denique Martyrium tuum in morte Redemptoris nostri, ut fias conciliatrix, quo pretiosi Sangui- nis Filii tui fructum experiamur. Tuque, Dei Fili, per istorum privilegiorum merita dilectissimae Matris tuae preces exaudi, nobisque clientibus ejus clementer ignosce. Parce Domine, parce populo tuo.

1 Pater, 4 Ave, 1 Gloria.

¶. Per Sanctam Immaculatam Conceptionem tuam, libera nos, Gloriosa Virgo Maria.

3. Te salutamus, purissima ac Sanctissima Mater Jesu, teque humiliter deprecamur per Gaudia cordis tui in Resurrectione et Ascensione Jesu Christi; per

tnam in coelum Assumptionem super omnes angelorum choros; per gloriam quam tibi Deus impertitus est, quo omnium sanctorum Regina fieres; per illam denique validissimam Potentiam quidquid placeat impetrandi, ut nobis veram erga Deum caritatem obtineas. Tuque, Sancte Spiritus, per istorum privilegiorum merita dilectissimae Sponsae tuae preces exaudi, nobisque clientibus eius clementer ignosce. Parce Domine, parce populo tuo.

1 Pater, 4 Ave, 1 Gloria.

¶. Per Sanctam Immaculatam Conceptionem tuam libera nos, Gloriosa Virgo Maria.

*Hic, si placet, recitari possunt Litaniae Lauretanae ad lucrardam aliam ind. 300 dierum (Decret. Pii VII, 30 sept. 1814), et postea dicatur:*

*Ant.* Conceptio tua, Dei Genitrix Virgo, gaudium annuntiavit universo mundo; ex Te enim ortus est Sol justitiae Christus Deus noster, qui solvens maledictionem dedit benedictionem, et confundens mortem donavit nobis vitam sempiternam.

¶. In Conceptione tua, Virgo Maria, Immaculata fuisti.

¶. Ora pro nobis Patrem, cuius Filium Jesum de Spiritu Sancto conceptum peperisti. (1)

*Oremus.* Deus misericordiae, Deus pietatis, Deus indulgentiae, qui misertus es super afflictionem populi tui, et dixisti angelo percutienti populum tuum: « contine manum tuam », ob amorem illius Matris Gloriosae, cuius ubera pretiosa, contra venena nostrorum delictorum, dulciter suxisti; praesta auxilium gratiae tuae, ut ab omni malo secure liberemur, et a totius perditionis incursu misericorditer salvemur. Qui vivis et regnas in saecula saeculorum. Amen.

(1). Indulg. 100 dier. Pius VI Rescr. 21 Nov. 1793

### PRECATIONES BREVIORES.

Preces, quae sequuntur, licet breviores, Pius PP. IX per Breve diei 22 Junii 1855 iisdem Indulgentiis ditavit, nempe:

I. Indulgentia 300 dierum pro unaquaque vice.

II. Indulg. plenaria semel in mense. Sub iisdem conditionibus.

In nomine Patris et Filii et Spiritus Sancti. Amen.

¶. Deus in adjutorium meum intende.

¶. Domine ad adjuvandum me festina.

Gloria Patri. Sicut erat.

1. Benedicta sit Sancta et Immaculata Conceptio Beatae Virginis Mariae Matris Dei.

1 Pater, 4 Ave, 1 Gloria.

2. Benedicta sit Sancta et Immaculata Conceptio Beatae Virginis Mariae Matris Dei.

1 Pater, 4 Ave 1 Gloria.

3. Benedicta sit Sancta et Immaculata Conceptio Beatae Virginis Mariae Matris Dei.

1 Pater, 4 Ave 1 Gloria.

---

### INDULGENTIAE CORONULIS ADNEXAE

Vigore literarum in forma Brevis SS. D. N. Leonis PP. XIII die 9 Aprilis 1894, utentes parvis coronulis, quae de Conceptione nuncupantur, Indulgentias lucrifacient supradictis precationibus brevioribus annexas quin adjicere opus sit ullam precum recitationem, sed tantum sufficit recitare duodecies salutationem angelicam cum tribus: *Pater et Gloria.*

*CATALOGUS sacrarum indulgentiarum, quibus fruuntur Cristifideles parvum coeruleum Scapulare in honorem Immaculatae Conceptionis B. Mariae Virginis, a Clericis Regularibus Congregationis Theatinae, vel ab aliis sacerdotibus facultatem habentibus benedictum gestantes, quas fel. rec.. GREGORIUS PAPA XVI decreto S. Congregationis, Indulgentiis sacramisque Reliquis praeposita, die 12 Julii 1845 probavit et confirmavit; quasque PIUS PAPA IX s. m. die septima Junii 1850, etiam animabus in purgatorio existentibus suffragari posse declaravit,*

INDULGENTIAE PLENARIAE

- Die qua quis sacro induitur Scapulari.  
Si adscriptus ordinetur sacerdos, cum primam Missam celebret.
- In articulo mortis.
- Cum spiritualia exercitia peraguntur, *semel in anno*.  
Prima eujuslibet mensis dominica die.
- Singulis sabatis quadragesimae.
- Dominica die et feria sexta hebdomadae passionis.  
Feria quarta, quinta et sexta hebdomadae majoris.  
Solemnitatibus Nativitatis, Epiphaniae, Paschatis, Ascensionis Domini Nostri Jesu Christi, Pentecostes et SS.mae Trinitatis.
- Festis Conceptionis Immaculatae, Nativitatis, Purificationis, Annuntiationis et Assumptionis Beatae Mariae Virginis.
- Die. 19 Martii. Transitus S. Josephi Sponsi B. Mariae Virginis.
- Die. 24 Martii. Celebratur festum B. Josephi Mariae Card. Thomasii Conf. Clerici Regularis.
- Die 3 Maii. Inventionis S. Crucis D. N. J. C.

- Die. 17 Junii. Celebratur Festum B. Pauli Buralis Ep. Card. de Areto Conf. Clerici Regularis.
- Die. 24 Junii. Nativitatis S. Joannis Baptiste.
- Die. 29 Junii. SS. Apostolorum Petri et Pauli.  
Ultima die dominica mensis Julii.
- Die. 2 Augusti. B. Virg. Mariae Angelorum vulgo *della porziuncula*.
- Die. 7 Augusti. S. Cajetani Thienaei C. Clericatus Regularis Patriarchae.
- Die. 28 Aug. S. Augustini E. et D.
- Die. 14 Septembris. Exaltationis S. Crucis, qua die Congregatio Clericorum Regularium initium sumpsit. (anno 1524)
- Die 29 Sept. S. Michaelis Arcangeli
- Die 2 Oct. SS. Angelorum Custodum.
- Die. 15 Oct. S. Theresiae Virginis.
- Die. 1 Nov. Omnia Sanctorum.
- Die. 10 Nov. S. Andreae Avellini Confessoris Clerici Regularis.
- Die. 14 Dec. Celebratur festum B. Joannis Marinonii Conf. Clerici Regularis.
- Prima et ultima die novendialium Nativitatis D. N. J. C.  
In expositione SS. Sacramenti per horas quadraginta *semel in anno*
- Quotidiana *semel in anno* acquirenda  
*Semel in anno*, die a P. Praeposito Generali Clericorum Regularium statuenda (1)

---

(1) Statuitur a P. Praeposito Generali dies 12 Aprilis Anniversaria Canonizationis S. Cajetani.

---

## ALIAE INDULGENTIAE

Indulgentiae Stationum Ecclesiarum Urbis, ut videre est in Missali romano, dummodo quis adeat Ecclesiam Clericorum Regularium Congregationis Theatinae, ibique oret (1)

Indulgentiae septem Basilicarum Urbis bis in mense dummodo oretur ante septem Altaria in dicta Ecclesia Clericorum Regularium. (1)

Indulgentiae, quae lucrificiunt qui visitant S. Sepulcrum et Terram Sanctam Palestinae bis in mense orantes in eadem Ecclesia (1)

Insuper si quis recitet sex Pater Ave et Gloria in honorem SSmae Trinitatis et B. Mariae Virginis sine labe conceptae, orans, ut dignetur Deus sanctam Ecclesiam catholicam triumphis quotidie augere, haereses extinguere, pacem et concordiam inter christianos principes fovere, universas sibi comparat indulgentias septem Urbis Basilicarum, Portiunculae, Jerusalem, et Sancti Jacobi Compostelae.

Praeterea S. Congregatio Indulgentiis sacrisque reliquis praeposita in Comitiis Generalibus, habitis die 31 Martii 1856, decreto suo declaravit, supradictas indulgentias septem Urbis Basilicarum, Portiunculae, Jerusalem et S. Jacobi Compostellae toties quoties acquiri posse, et quocumque loco preces fundantur, servato decreto Sacrae Congregationis Indulgenciarum die 7 Martii 1678 approbato ab Innocentio XI, quod incipit « Delatae saepius » (2); neque oportere alias

(1) Vide pag. 39 v. Denique.

(2) Iuxta memoratum Decretum Indulgentia Plenaria pro vivis concessa in diem certum, ab Ecclesiam locumve visitantibus non acquiritur nisi semel in die.

preces addere, ac sacramentorum poenitentiae et eucharistiae susceptionem praemittere, et sufficere sex tantum Pater, Ave et Gloria recitare ut supra, easque applicabiles etiam esse animabus in purgatorio degentibus. Quod quidem decretum PIUS PAPA IX s. m. die 14 Aprilis ejusdem anni 1856 benigne approbavit.

LX ANNORUM. Quando quis horae dimidio animam sacris meditationibus exercet.

XX ANNORUM. Quando quis infirmos invisit, et eos corporaliter vel spiritualiter aliquo modo coadiuvet; aut, si impediatur, pro eis recitet 5 Pater, Ave et Gloria.

» In octavis festorum Domini.

» In festis Sanctorum ex Ordinibus Regularibus Eremitarum S. Augustini, Praedicatorum, Carmelitarum, SS.mae Trinitatis, Redemptionis captivorum, et Servorum B. Mariae Virginis.

VII ANNORUM ET TOTIDEM QUADRAGENARUM. In ceteris festis minoribus B. Mariae Virginis.

» Quoties ad poenitentiae et eucharistiae Sacramenta accedatur.

» Quando quis SS. Sacramentum, quod ad infirmos defertur comitetur.

» Si 7 Pater, Ave, et Gloria pro infirmo, qui sacram recepit eucharistiam, recitentur.

» Singulis anni festis, in quibus plenaria indulgentia conceditur, dummodo Ecclesia Clericorum Regularium Congregationis Theatinae visitetur, quin opus sit ut poenitentiae et Eucharistiae sacramenta suscipiantur. (vide infr. v. - Denique).

» Qualibet die ad vesperas si Salve Regina recitetur, ac pro Ecclesiae necessitatibus precatio- nes fundantur.

- » A dominica die septuagesimae ad diem dominicam palmarum *semel in die*, dummodo sacra eucharistia sumatur, et 7 *Pater, Ave, et Gloria* pro Ecclesiae necessitatibus dicantur.
- » Festis Inventionis et Exaltationis S. Crucis, si qua eleemosyna impendatur.
- » Tribus feriis sextis cujusque mensis, si ad sacram synaxim accedatur.
- » Septem diebus novendialium Nativitatis D. N. J. C.
- » Qualibet feria secunda visitando Sanctissimum eucharistiae Sacramentum.

V ANNORUM ET TODIDEM QUADRAGENARUM. Qualibet die, qui visitat Ecclesiam Clericorum Regularium Theatinorum, atque etiam aliam Ecclesiam, recitans 5 *Pater, Ave et Gloria*.

DIERUM. Qualibet die Octavae Pentecostes, 300.

- » Si Dei verbum audiatur, 200.
- » Si quid pietatis opus peragatur, 60.
- » Si sacra Jesu et Mariae nomina devote invocantur, 50.
- » Si *Pater, Ave et Gloria* recitetur pro vivis et defunctis in quacumque Ecclesia, 50.

Insuper quoties Missae sacrificium pro aliquo defuncto celebratur, qui sacrum rite benedictum gestaverit scapulare coeruleum, altare, in quo illud Deo offertur, tamquam *privilegium* habetur.

Denique f. r. PIUS PAPA IX, sub die 3 Decembris 1847, praedictum scapulare gestantibus concessit pariter, ut iis in locis, in quibus deest Ecclesia Clericorum Regularium, quam ad lucrandas quasdam ex supradictis indulgentiis adire, ibique orare deberent, aliam Ecclesiam, in qua tamen aliquod adsit altare B. Mariae Virginis, substituere valeant.

Sacra Congregatio Indulgentiis Sacrisque Reliquis praeposita praesens Summarium uti authenticum recognovit typisque imprimi ac publicari posse permisit. In quorun fidem etc.

Datum Romae ex Secretaria eiusdem Sacrae Congregationis die 26 Augusti 1882.

FRANCIS<sup>CO</sup> DELLA VOLPE SECRETARIUS



## RERUM INDEX

---

Diploma . . . . .	Pag.	3
Monitum pro duabus cappellaniis erigendis	>	6
Ritus benedicendi et imponendi Scapulare	>	7
Formula ad Indulgentiam plen. in art. mortis	>	9
Schedula pro Jejunio perpetuo . . . >	10	
Brevis historia S. Scapularis . . . >	11	
Omnium indulgentiarum pleniarum quae in adnexo catalogo continentur absoluta demonstratio . . . . . >	16	
Nonnulla memorata digna pro Episcopis et adscriptionibus in confraternitate . . . >	22	
Formula inscriptionis in sodalitate . . . >	24	
Documenta quae ad confraternitatem referuntur	>	25
Precationes a S. Andrea Avellino exaratae	>	30
Precationes breviores . . . . . >	33	
Indulgentiae coronulis adnexae.	. . . . >	33
Indulgentiarum catalogus . . . . >	34	

